



Unioni de is Comunas de su Partiolla e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiolla/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Sètimu

Crèsia de Santu Perdu

Sa crèsia parrochiali de Sètimu, dedicada a Santu Perdu Apòsotolu, est una ammosta de architettura gòtica de arpillu cadalanu.



Descritzioni

Sa faciada ammostat decoratzionis cun merlaturas, chi funt típicas de is costumàntzias de frunimentu de is fràigus civilis in is logus cadalanus. Atrus elementus chi fait a arreconnosci in sa faciada funt s'ogu a pitzu de su portali, chi depiat donai luxi a sa naviada principali, su contraforti a manu dereta, e su campanili a canna cuadrada a manu manca.

Fueddendi de sa datatzioni stòrica sua, si scit seguru chi in su 1442 iant cunsagrau s'altari majori. A pustis sa crèsia at arriciu interbènnidas meda intre su de XVI e su de XVII sèculus, cumentis ammostant is aconciaduras meda e is elementus decorativus de a intru, e a foras si podint biri in sa serrada de s'ògulu e sa parti prus arta de su campanili, chi fortzis funt de su 1627.

Su fràigu duncas chistit, de s'imprantu tradu-gòticu de orìgini, sa faciada, sa naviada e su presbitèriu ebbia.